

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: **65 0 Ip 572417 22 Ip 4**
Sarajevo, 23.05.2024. godine

Općinski Sud u Sarajevu, sudija Merdita Tufo, u izvršnoj stvari tražioca izvršenja Općina Vogošća, koju zastupa Pravobranilaštvo Općine Vogošća, ulica Jošanička broj 80, Vogošća, protiv izvršenika Š.H. iz Sarajeva, radi izvršenja, v.sp. 1.161,30 KM, na osnovu člana 126 i 130, a u vezi sa članovima 135., 82., 87., 88. i 89. Zakona o izvršnom postupku /»Sl. Novine FBiH“ broj 32/03 od 18.07.2003. godine/, van ročišta dana 23.05.2023. godine, donio je:

Z A K L J U Č A K
o prodaji pokretnih stvari

ODREĐUJE SE PRVO ROČIŠTE za prodaju pokretnih stvari izvršenika Š.H. iz Sarajeva a koje se nalaze na adresi ulica Jovana Bijelića broj 2/4, Sarajevo, putem usmenog i javnog nadmetanja i to:

1. TV „Samsung“, crne boje 40 inča, procijenjena vrijednost - 150,00 KM
2. Komoda za TV smeđe boje, procijenjena vrijednost - 120,00 KM
3. Klub stolić bijele boje, procijenjena vrijednost - 130,00 KM

Zaključno sa rednim brojem 3 (tri).

ZA DAN 12.07.2024. GODINE U 09,00. SATI

KOJA ĆE SE ODRŽATI U ZGRADI OPĆINSKOG SUDA U SARAJEVU UL. ŠENOINA BR. 1, KANCELARIJA BROJ 454/IV – SLUŽBA SUDSKIH IZVRŠITELJA.

1.Rješenjem Općinskog suda u Sarajevu broj 65 0 Ip 572417 22 Ip 4 od dana 06.07.2023. godine određeno je izvršenje pljenidbom, procjenom i prodajom pokretnih stvari izvršenika.

2.Konstatuje se da je sudski izvršni organ obavio pljenidbu pokretnih stvari o čemu je sastavljen pljenidbeni popis, iste su ostavljene na čuvanje izvršeniku uz zabranu za dalje raspolaganje i istovremeno procijenio vrijednost pokretnih stvari kako je to navedeno u ovom Zaključku, o čemu je sastavljen Zapisnik broj gornji od 03.10.2023. godine.

3.Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4.Sud će u smislu člana 77. ZIP-a, a u vezi sa članom 135. ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.

5. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod 1/2 /jedne polovine/ od procijenjene vrijednosti.

Ako se pokretne stvari ne prodaju prilikom prvog javnog nadmetanja, odnosno na prvom ročištu Sud će na prijedlog stranaka, odnosno zahtjev tražioca izvršenja koji se može podnijeti u roku od 8 /osam/ dana od dana održavanja neuspjelog ročišta zakazati drugo ročište na kojem se pokretne stvari koje su predmet prodaje mogu prodati bez ograničenja, a u pogledu iznosa njihove cijene.

6. Sud će obustaviti postupak ako stranka ne predloži u roku od 8 dana održavanje drugog ročišta za javno nadmetanje, ili ako se stvari ne uspiju prodati ni na drugom ročištu za javno nadmetanje.

7. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata.

Po uplati cijene Sud će donijeti rješenje o dosudi, a potom i rješenje o namirenju

8. Na javnom nadmetanju kao kupci mogu učestvovati samo osobe koje su predhodno položile osiguranje koje iznosi 1/10 /jedna desetina/ odredjene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM.

9. Osiguranje se polaže na depozitni račun Općinskog suda u Sarajevu broj 1411965320009639 otvoren kod BBI BANKE, sa naznakom broja predmeta.

10. Ponuđačima čija ponuda ne bude prihvaćena, osim za tri najbolja ponudioca vratit će se položeno osiguranje odmah nakon zaključenja javnog nadmetanja.

11. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja /neposredne pogodbe, da ima u vidu to da ukoliko treća lica ne obavijeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

SUDIJA
Merdita Tufo, s.r.

POUKA: Protiv ovog zaključka nema mjesta pravnom lijeku